



✉ **Adresat po saktësohen në kuadër të azhurnimit të sistemit të ri të adresave. Ndërtimi i këtij sistemi ka nisur me ligj që nga viti 2009. Ndërsa vendbanimet nuk po ndryshohen. Po ndodhin dy gjëra:**

1. *Aty ku adresa ka qenë e paplotë, ajo po plotësohet sipas standardit me të gjithë elementët e kërkuar nga ligji. Në shumë raste, tek rubrika e vendbanimit për një qytetar që banonte në Korçë shkruhej thjesht “Korçë”. Kjo gjendje po ndryshon, duke vendosur elementët e kërkuar nga ligji, si: bashkia, njësia administrative, qyteti/fshati, rruga/bulevardi/sheshi/parku, numri i ndërtesës, numri i hyrjes, numri i apartamentit dhe kodi postar.*
2. *Saktësimi i adresës po bëhet edhe në rastet kur ajo mungonte krejtësisht në regjistër.*

✉ **Çfarë ndodh nëse unë nuk e përditësoj vendbanimin apo saktësoj adresën time?**

Ju nuk keni zbatuar detyrimin ligjor për deklarimin e vendbanimit brenda afatit të përcaktuar, duke u bërë një person i paidentifikueshëm në pikëpamje administrative. Për më tepër, me ndryshimet e reja ligjore që janë në proces, ju do të keni shumë vështirësi në përfitim të shërbimeve pa një vendbanim të përditësuar ose adresë të saktësuar. Për shembull, nëse ju jeni transferuar në Korçë nga Saranda, por nuk keni bërë veprimet e duhura ligjore në zyrën e Gjendjes Civile, do të keni vështirësi për të regjistruar fëmijët në një shkollë të qytetit të Korçës, si dhe probleme tjera të ngjashme për të gjitha shërbimet publike.

Zyrat e gjendjes civile nuk janë të autorizuara të ndryshojnë vendbanimin pa kërkesën e qytetarëve. Sistemi i adresave përditësohet nga zyrat e urbanistikës pranë organeve të qeverisjes vendore. Çdo ndryshim i elementëve të adresës është atribut i tyre, i cili reflektohet automatikisht në Regjistrin Kombëtar të Gjendjes Civile.

Ku mund ta verifikoj adresën time?

Ka dy mënyra për të verifikuar adresën në portalin e-Albania kur merrni certifikatën personale do të gjeni adresën sipas Regjistrin Kombëtar të Gjendjes Civile apo tek zyra juaj e Gjendjes Civile.

Ku mund ta saktësoj adresën time, nëse ajo ka mospërputhje?

Ju mund ta saktësoni adresën tuaj përmes një kërkesë pranë zyrës përgjegjëse të Gjendjes Civile, duke bashkëlidhur dokumente (**fotokopje të panoterizuara**) që vërtetojnë adresën tuaj, si:

- **Çertifikatë pronësie,**
- **Kontratë qeraje,**
- **Faturë UKKO, etj.**

Në rastet kur nuk dispononi dokumentacionin e mësipërm:

Paraqituni pranë njësive administrative përkatëse ku do të orientoheni nga punonjësit nëpërmjet hartave për vendndodhjen e banesës suaj.

Shënim: Për çdo paqartësi, mund t'i referoheni Ligjit Nr. 10/129, “Për Gjendjen Civile”, i ndryshuar dhe Kodit Zgjedhor të Republikës së Shqipërisë, i ndryshuar.

